



# Fedje kommune

## Møteprotokoll for Kommunestyret

**Møtedato:** 23.04.2019  
**Møtestad:** Skarvøyana/Slissøyana i Fedje fleirbrukshall  
**Møtetid:** 18:15 - 20:00

Nordhordland revisjon orienterte om forvaltningsrevisjon på offentlegheit og innsyn.  
Sak 28/19 vart ettersend på e-post 16.04.19, og sak 29/19 vart delt ut i møtet.

Møtedeltakarar	Parti
Marit Solbakk Øien	
Gidske Borge Kolltveit	Ap
Terje Blomvågnes	Ap
Erling Walderhaug	H
Stian Herøy	H
Tonje Hernar Gullaksen	H
Ingmar Stuberg	Krf
Olav Nilsen Husa	Krf
Roy-Asle Tungland	Krf
Tove Nordseth	Krf

Møtedeltakarar vara	Parti
Martin Karlsen	Ap
Inge Waage	Frp
Janne Tangen	H
Silje Sulen Gullaksen	H

Forfall meldt frå følgjande medlemmar:	Parti
Stian Storemark	Ap
Bjørn Solbakk	Frp
Ottar Tangen	Frp
Paul Gunnar Gullaksen	H
Torill Hermansen Horgen	H

---

**Følgjande frå administrasjonen møtte:**  
Dagrun Gunnarson, Linda Husa, Nils Moldøen

---



## Sakliste

<b>Saknr</b>	<b>Tittel</b>
018/19	Godkjenning av møteinnkalling og sakliste
019/19	Godkjenning av møtebok
020/19	Referatsaker
021/19	Forvaltningsrevisjon offentlegheit og innsyn
022/19	Bergen og Omland Farvannsforvaltning IKS. Endring av selskapsavtale og ny delegering.
023/19	Innføring av nye rutinar for varsling
024/19	Revisjon av Personalplan for Fedje kommune
025/19	Revisjon av reglement for pendlartilskot
026/19	Vedtekter for SFO - revisjon 2019
027/19	Utviding av IKT Nordhordland kommunalt oppgåvefellesskap med kommunane Austevoll, Gulen og Samnanger
028/19	Søknad skjenkeløyve
029/19	Framlegg til vidare arbeid i sak om tilsetjing av ny rådmann i Fedje kommune
030/19	Eventuelt kommunestyre 23.04.19

## **018/19: Godkjenning av møteinnkalling og sakliste**

### **Behandling:**

#### **Vedtak:**

Møteinnkalling og sakliste vert godkjent.

Samrøystes vedteke.

---

## **019/19: Godkjenning av møtebok**

### **Behandling:**

#### **Vedtak:**

Møtebok frå sist møte vert godkjent.

Samrøystes vedteke.

---

## **020/19: Referatsaker**

### **Behandling:**

#### **Vedtak:**

Referatsaker vert tekne til orientering.

Samrøystes vedteke.

---

## **021/19: Forvaltningsrevisjon offentlegheit og innsyn**

### **Behandling:**

#### **Vedtak:**

Kommunestyret sluttar seg til revisjonen sine konklusjonar og tilrådingar. Kommunestyret ber rådmannen følgje opp forvaltningsrapporten sine tilrådingar. Innan 1. oktober 2019 vert rådmannen beden om å kome med ei tilbakemelding til kommunestyret om korleis tilrådingane i rapporten vert/skal følgjast opp.

Samrøystes vedteke.

---

## **022/19: Bergen og Omland Farvannsforvaltning IKS. Endring av selskapsavtale og ny delegering.**

### **Behandling:**

#### **Vedtak:**

Fedje kommune slutter seg til revidert selskapsavtale og revidert stiftingsdokument for Bergen og Omland Farvannsforvaltning IKS i samsvar med vedlegga i saka.

I medhald av Hamne- og farvasslova av 17.04.2009 nr. 19, §10, vert mynde som Fedje kommune har etter Hamne- og farvasslova, delegert til Bergen og Omland Farvannsforvaltning IKS, med verknad frå 01.05.2019. Delegeringa gjeld og bestemmelser gjeve i medhald av lova.

Frå Fedje kommune blir følgjande valde som medlem og varamedlem til representantskapet i BOH IKS: Medlem: Ordførar. Varamedlem: Varaordførar.

Samrøystes vedteke.

---

## 023/19: Innføring av nye rutinar for varsling

### Behandling:

#### Vedtak:

Fedje kommune vedtek nye varslingsrutinar slik dei ligg føre.

Samrøystes vedteke.

---

## 024/19: Revisjon av Personalplan for Fedje kommune

### Behandling:

#### Vedtak:

Personalplan for Fedje kommune får følgjande endringar:

Varsling, s. 20. Heile punktet vert bytta ut med følgjande tekst: *Varsling er når ein tilsett eller tidlegare tilsett som har vore vitne til ulovlege, uetiske eller kritikkverdige handlingar på arbeidsplassen, varslar om dette til personar eller instansar som har moglegheit til å endre på forholdet. Fedje kommune har varslingsrutinar for den som vil varsle, og den som mottek varsel, som ligg vedlagt personalplanen.*

Sjukefråværsoppfølging s.18, avsnitt 5 vert endra til følgjande:

*Fedje kommune jobbar for eit Inkluderande Arbeidsliv og følgjer intensjonane og reglane i avtalen, inkludert rett til utvida eigenmelding tom avtalen sin slutt 31.12.2022. Arbeidet med Inkluderande Arbeidsliv skal drøftast mellom nærmaste leiar/plasstillitsvalde på dei lokale arbeidsplassane i mai/juni kvart år og i drøftingsmøte på rådmannsnivå på slutten av året.*

Permisjon for tiltreding av stilling hjå anna arbeidsgjevar, s. 15, overskrift og 1.avsnitt vert endra til:

#### *Permisjon*

*Fedje kommune ser positivt på at dei som er tilsett i Fedje kommune kan få permisjon utan lønn, t.d. for tiltreding av stilling hjå anna arbeidsgjevar. Målet er at dei tilsette skal få ny inspirasjon og kompetanse dei kan ta med tilbake til Fedje kommune.*

Permisjon/frikjøp tillitsvalde, s. 16, får følgjande tillegg:

*Sjå elles vedlegget «Oppsummering av tillitsvaldordninga i Fedje kommune 2017»*

Samrøystes vedteke.

---

## 025/19: Revisjon av reglement for pendlartilskot

### Behandling:

### Vedtak:

Reglement for pendlartilskot i Fedje kommune vert som følgjer:

1. Ordninga for pendlartilskot gjeld for dei som bur fast på Fedje og pendlar fast minst 1 dag i veka. Det er ein føresetnad at ein kan dokumentere reelle utgifter til pendling på førespurnad.
2. Årleg tilskotsum vert fastsett av kommunestyret i budsjetthandsaminga og vert avkorta etter talet på dagar ein pendlar pr veka.
3. Søknad skal sendast etterskotsvis og innan 30.06. og 30.11. kvart år. Søknader som kjem etter søknadsfristen vert ikkje handsama.
4. Førstegangssøkjjarar må leggje ved stadfesting på arbeidsforhold eller studieplass. Endringar i arbeidsforhold/studieforhold må dokumenterast.
5. Fedje kommune skal ha melding om fråver på meir enn 2 veker (gjeld ikkje fråver på grunn av ferie). Fråver ut over 2 veker fører til forholdsmessig trekk i pendlartilskotet.

I tillegg vert det , som einskildhøve, opna opp for at søkjjarar som pendla fast til studie hausten 2018 kan søkje innan 9.mai 2019 om å få dekka pendlarutgifter for hausten 2018.

Samrøystes vedteke.

---

## 026/19: Vedtekter for SFO - revisjon 2019

### Behandling:

Felles endringsframlegg (tillegg til formannskapet si innstilling):

Punkt 4a: Ekstra setning til slutt: Om det er tinga tidleg-SFO kan andre born og nytte tilbodet dersom det er bemanning til det.

Punkt 4c: Ekstra setning til slutt: SFO kan og samarbeide med barnehagen og nytte areala der.

Punkt 4g: Ekstra setning på byrjinga: SFO har sommaropent, og samarbeidar med barnehagen i sommarferie. Borna i SFO skal ha tre veker samanhengande sommarferie i skuleferien.

Punkt 7: Siste avsnitt: Om ikkje plassen vert sagt opp, er plassen tildelt fram til siste SFO-dag i det skuleåret barnet er ferdig i 4.klasse. Nytt SFO-år startar etter tre siste heile veker i juli.

Punkt 8: Vert endra til: Kommunestyret fastset foreldrebetaling. Gjeldande prisar skal publiserast på Fedje kommune sine heimesider. Kommunen, ved rådmann, står for innkrevjing. Det vert gjeve søskenmoderasjon: 30% på born nr 2, 50% på born nr 3. Det vert gitt moderasjon i tråd med reglane for redusert foreldrebetaling i barnehagen. Fedje kommune, ved rådmannen, kan og ilegge gebyr når borna ikkje vert henta til avtalt tid. Gebyret vert ilagt for kvar påbyrja halvtime. (Med dette utgår punkt 4 e)

Formannskapet si innstilling vart samrøystes vedteke.

Tove Nordseth (Krf) bad om utsetjing av punkt 4g. Utsetjinga vart vedteke med 9 mot 5 røyster. Erling Walderhaug (H), Inge Waage (Frp) og Arbeidarpartiet sine tre representantar røysta mot utsetjingsframlegget.

Dei andre endringsframlegga vart vedteke samrøystes.

**Vedtak:**

«Vedtekter for skulefritidsordninga i Fedje kommune» vert vedteke slik dei ligg føre med følgjande endringar:

- stryke setninga " Dette opptaket definerer tilbodet for det påfølgjande skuleåret" i punkt 6.

Punkt 4a: Ekstra setning til slutt: Om det er tinga tidleg-SFO kan andre born og nytte tilbodet dersom det er bemanning til det.

Punkt 4c: Ekstra setning til slutt: SFO kan og samarbeide med barnehagen og nytte areala der.

Punkt 7: Siste avsnitt: Om ikkje plassen vert sagt opp, er plassen tildelt fram til siste SFO-dag i det skuleåret barnet er ferdig i 4.klasse. Nytt SFO-år startar etter tre siste heile veker i juli.

Punkt 8: Vert endra til: Kommunestyret fastset foreldrebetaling. Gjeldande prisar skal publiserast på Fedje kommune sine heimesider. Kommunen, ved rådmann, står for innkrevjing. Det vert gjeve søskenmoderasjon: 30% på born nr 2, 50% på born nr 3. Det vert gitt moderasjon i tråd med reglane for redusert foreldrebetaling i barnehagen. Fedje kommune, ved rådmannen, kan og ilegge gebyr når borna ikkje vert henta til avtalt tid. Gebyret vert ilagt for kvar påbyrja halvtime. (Med dette utgår punkt 4 e)

Samrøystes vedteke.

---

**027/19: Utviding av IKT Nordhordland kommunalt oppgåvefelleskap med kommunane Austevoll, Gulen og Samnanger**

**Behandling:**

**Vedtak:**

1.Fedje kommune vedtek at IKT Nordhordland kommunalt oppgåvefelleskap vert utvida med kommunane Austevoll, Gulen og Samnanger.

2.Fedje kommune vedtek samarbeidsavtalen for IKT Nordhordland kommunalt oppgåvefelleskap slik den ligg føre.

Samrøystes vedteke.



---

## **028/19: Søknad skjenkeløyve**

### **Behandling:**

Felles endringsframlegg: Kommunestyret gjorde nokre endringar i teksten til rådmannen, for å klargjere skjenketidene.

Endringsframlegg frå Stian Herøy (Høgre):

4. avsnitt vert endra til: Løyvet gjeld frå 24.04.2019. Styrar for løyvet er Jostein Husa.

Kommunen fråviker krav om avløysar i tråd med alkohollova § 1-7 c på grunn av skjenkestaden sin storleik og lengden på løyvet.

Det vart røysta først over rådmannen sitt framlegg til vedtak. Framlegget falt med 0 mot 14 røyster.

Det vart så røysta over Herøy sitt endringsframlegg til vedtak. Framlegget vart vedteke med 13 mot 1 røyst. Tove Nordseth (Krf) røysta mot framlegget.

### **Vedtak:**

Jostein Husa får skjenkeløyve i Pernillekafeen DA frå 24.04. – 04.08.2019 med skjenketid for all alkoholholdig drikk inne og utandørs for gruppe I og II måndag – torsdag og søndag kl.12.00 – kl.22.00 og fredag – laurdag kl.12.00 – kl.24.00, utanom at skjenketida for alkohol under 22% utandørs vert set til kl.22.30 fredag og laurdag.

For alkoholgruppe III vert skjenketida inne måndag – torsdag og søndag kl.13.00 – kl.22.00 og fredag – laurdag kl.13.00 – kl.24.00.

Det er også eit krav om at skjenkestaden skal ha fast meny eller á la carte.

Løyvet gjeld frå 24.04.2019. Styrar for løyvet er Jostein Husa. Løyvet gjeld frå 24.04.2019. Styrar for løyvet er Jostein Husa. Kommunen fråviker krav om avløysar i tråd med alkohollova § 1-7 c på grunn av skjenkestaden sin storleik og lengden på løyvet.

Skjenkeløyvet til Pernillekafeen DA vert inndrege frå og med 24.04.2019.

---

## **029/19: Framlegg til vidare arbeid i sak om tilsetjing av ny rådmann i Fedje kommune**

### **Behandling:**

Ordførar fremma forslag om å lukke møtet, i tråd med kommunelova § 31 punkt 5, på grunn av opplysningar som kan unntakast offentlegheit etter offentleglova § 23 og § 25. Kommunestyret inviterte inn dei to HTVane som har vore med i prosessen, HTV Fagforbundet og HTV Utdanningsforbundet. Samrøystes vedteke.

### **Vedtak:**

Kommunestyret ønskjer å tilby Gjermund Hagesæter stillinga som rådmann i Fedje kommune, og ber formannskapet om å forhandla fram ein arbeidsavtale som vert lagt fram for kommunestyret til godkjenning.

Vedteke med 12 mot 2 røyster. Martin Karlsen (Ap) og Terje Blomvågnes (Ap) røysta mot framlegget.

---

## **030/19: Eventuelt kommunestyre 23.04.19**

### **Behandling:**

Tonje Sulen Gullaksen (H) spurte om status på oppfølging av ekstern vurdering av Fedje sjukeheim, utgreiing av gratis SFO og barnehage, og kva situasjonen er med NAV i forhold til kommunestyret sitt vedtak om ein kontordag pr veke på Fedje.

Rådmannen svarte at arbeidet med vurderinga av sjukeheimen er starta opp. Gratis barnehage og SFO er under arbeid, rådmannen håpar å få saka til politisk handsaming før sommaren. Rådmannen orienterte om status vertskommunesamarbeidet NAV Fensfjorden.

Inge Waage (Frp) bad om at kommunale gjerde rundt planta skog vert fjerna. Han spurte og om tømestasjon for bubil og båtar. Ordførar svarte at det er planar på det i samband med Fab nr 8. Han spurte om dei som er med i arbeidsgruppa for ny rådmann får møtegodtgjersle. Ordførar svarte at det i så fall måtte vedtakast når ein sette ned arbeidsgruppa.

### **Vedtak:**

Ingen vedtak under ymse.

---